

## Beavdegirji

### 2014 jahkečoahkkin Tromssas, Rica Ishavshoteallas

24.05.2014 dii: 12.45

#### Mielde:

Harald Gaski, Heidi Guttorm Einarsen, Lill Tove Fredriksen, Svein Nordsletta, Siri B. Johansen, Marit M Eira Murud, Liv Tone Boine, Seija Guttorm, John Trygve Solbakk, Britt Rajala, Hans Petter Boyne, Asta Balto, Jorunn Eikjok ja John H. Eira.

#### Áššelistu:

1. Gohččuma ja áššelisttu dohkkeheapmi
2. Čoahkkima vuodđudeapmi
3. Jahkedieđáhusat ja rehkedoalut
  1. Stivrra 2013 Jahkedieđáhus
  2. Stivrra 2013 rehkedoallu
  3. Foanddastivrra 2013 jahkedieđáhus
  4. Foanddastivrra 2013 rehketdoallu
4. Stivrra 2014 doaibmaplána
5. Stivrra 2014 bušeahtta
6. Foanddastivrra 2014 bušeahtta
7. SFS miellahttu ruhta
8. Válggat
9. Jahkečoahkkin cielkka

#### Áššiid meannudeapmi

##### 1. Gohččuma ja áššelisttu dohkkeheapmi

Mearrádus: Dohkkehuvvon

##### 2. Čoahkkima vuodđudeapmi

Čoahkkinjiđoheadji: John Henrik Eira, jodiheadji

Čálli: Svein Nordsletta

Beavdegirji dárkkisteaddjit: Jorunn Eikjok ja Hans Petter Boyne

##### 3. Jahkedieđáhusat ja rehketdoalut

###### 1. Stivrra 2013 Jahkedieđáhus.

Stivrrajodiheadji ovddidii stivrra jahkedieđáhusa. Ođđa miellahtuide čilgejuvvui lassin iešguđet fágajoavkkuid doaibma. Lassin čielggaduvvui iešguđet doarjjaruđaid ektui maid searvi oažžu.

*Lassin čuoggái 4.4.* Čilget makkár “sámi organisašuvnnat” leat: Dat leat mat man nu láhkái ožžot kopijabuhtadusaid.

*Čuokkis 3.3.4:* Molsut eret “mii” ja čállit SFS.

*Čuokkis 3.1.:* Stivrra ávžžuhuvvu ahte guorahallat sirdit prokura jodiheadjái.

Stivrra galgá Sámedikke ektui váldit bajás ođđasit organisašuvnnadoarjaga ektui, ja ákkastallat athe leat áidna sámeielat kulturorganisašuvdna.

**Mearrádus:** Stivrra 2013 jahkedieđáhus dohkkehuvvo dás bajábealde lasihusaiguin ovttajienalaččat.

## **2. Stivrra 2013 rehketoallu.**

**Mearrádus:** Ovddiduvvon rehketoallu oktan revišuvdnaraporttain dohkkehuvvon ovttajienalaččat.

## **3. Foandastivrra 2013 jahkedieđáhus.** čállingoddi ovddidii jahkedieđáhusa.

**Rievdadus:** Árvvoštallanstipeanda. Jorunn Eikjok lei diedihan ahte son árvvoštalai Ketil Zachariassen girjji ja lea almmuhuvvon Sámis bládes jagi loahpas 2013.

Jahkečoakkin sagastalai fágagirjjálašvuodafoandda politihka juolludemiid ja foandda njuolggadusaid ektui. Jahkečoahkkin ii dahkan maidege mearrádusaid. Jahkedieđáhusas almmuhuvvojit prošeaktaohccid lohku. Evttohuuvvo ahte fondii ráhkduvvo sieraahkedieđáhus.

**Mearrádus:** Dohkkehuvvui ovttajienalaččat dáid lasihusaiguin.

## **4. Foandastivrra 2013 rehketoallu.**

Čállingoddi ovddidii foandda rehketoallu.

**Mearrádus:** Dohkkehuvvui ovttajienalaččat.

## **4. Stivrra 2014 doaimaplána**

Stivrrajodiheadji ovddidii 2013 doaimaplána.

Sihkkut eret “Ruota beale fágagirjjálaš....”

Siri Broch Johnsen evttohus biddjo stivrra ovdii dán vuodul:

“Doaimaplána evttohusat

Doaimaplána nu mo lea dál, lea Sámi fokus. Dát iešalddis lea lunddolaš, muhto sáhtášii maid leat vuogas ohcat ovttasbarggu servviiguin diein oktavuodain main midjiide sáhtášii buktit buriid. Mus livččii guokte dakkár čuoggá maid ovdanbuktit.

Vuostaš čuokkis guoská Sámedikki váilevaš fágagirjjálašvuoda ruhtadeami. Ollislaš ruhtahivvodat Norggas – fágagirjjálašvuhtii leat várrejuvvon hui unnán ruhta ollislaččat. Lillehammeris ledjen fágasemináras mas earret eará Kjell Lars Berge, gii lea bargan dakkár áššiiguin maaddelot jagi, lei. Son muitalii ahte ollislaš ruhtahivvodat Norggas lea 5 milliuvnna ruvnnu várrejuvvon. Earret eará NFF lea bargamin dan alde ahte stuoridit dán hivvodaga. Muhtun politihkkár muitalii Kjell Larsii ahte dát ruđat leat dakkár mas ii oktage politihkkár beroš. Dáid ruđaid sii mearridit justa ovdalaš gaskaija, go leat juo olles beaivve čoahkkinastán, ja buohkat leat dolkan ja váibán.... galggašeimmet go mii ohcat ovttasbarggu NFF:in dies? Dat sáhtášii leat buorren sihke midjiide ja sámediggái. Eat sáhte dušše mannat sámediggái gáibádusaiguin, lea maid buorre mannat njuolga stuorádiggái, mii álgoálggus juolluda daid ruđaid.

Nubbi čuokkis lea dát:

Etihkanjuolggadusat. Forleggerforeningen – lágádusaid searvvi – lea evttohan dakkár njuolggadusaid áššeprosa várás. Galggašii go SFS stivra maid meannudit ášši? Maid son sámi lágádusat dadjet dáidda?

Dán láhkái maiddá boadášeimmet eanet oidnosii... várra?

Mus leat dat njuolggadusevttohusat dás. Mis vissa ii leat áigi daid lohkat dál, danin evttohan ahte stivra ja čállingoddi daid geahčada ja vástida gulaskuddanáiggi siskkobealde, man áigemearri bohtá hui fargga. Lágádusat galggaše leat ožžon daid áiggá juo, jus juo leat fárus Den Norske Forleggerforeningen-searvvis.”

*Čuokkis 5: ” SFS doarju SÁLÁS’a oastinortnegaáššis.*

**Mearráduš:** 2013 doaibmaplána dohkkehuvvui dáid lasihusaiguin.

#### **5. Stivrra 2014 bušeahtta**

Evttohus ahte foandda stivrralahtuid doaibmagolut bohtet ovdan rehketdoalus foandda rehketdoalus.

**Mearráduš:** Jahkečoahkkinn dohkkeha bušeahtaevttohusa oktan lasihusain.

#### **6. Foanddastivrra 2014 bušeahtta**

**Mearráduš:** Jahkečoahkkinn dohkkeha bušeahtaevttohusa ovttajienalaččat.

#### **7. SFS miellahttu ruhta**

**Mearráduš:** Jahkečoahkkinn doalaha seamma miellahtturuđaid.

#### **8. Válggat**

Stivra, välljejuvvojit 2014-2016

Ovdaolmmoš: Lill Tove Fredriksen,  
Stivrralahtut: Seija Guttorm  
Trond Are Anti (välljejuvvon jahkái)

Várrelahttu: Elisabeth Utsi Gaup 2014-2016

Válgalávdegoddi: Marit Eira Murud 2014-2016

**Mearráduš:** Välljejumit ledje ovttajienalaččat

#### **9. Jahkečoahkkinn cealkka**

Jahkečoahkkinn addá stivrii fápmudusa gárvet cealkámuša. Evttohus sáddejuvvo jahkečoahkkinn oasseválddiide dohkkeheapmái ovdal go dat almmuhuvvo.

**Mearráduš:** Ovttajienalaččat


Čoahkkin loahpahuvvui dii. 16.45

Beavdegirjji čáli



Svein Nordsletta

Beavdegirjji dárkkisteaddjit:



Hans Petter Boyne



Jorunn Eikjok